

BASES

XIV CONCURSO DE PROXECTOS EMPRESARIAIS INNOVADORES DA USC

OBXECTIVO

A Universidade de Santiago de Compostela, a través do seu programa de creación de empresas UNIEMPRENDE, organiza o *XIV Concurso de Proxectos Empresariais Innovadores* co fin de premiar a emprendedores e emprendedoras que presenten proxectos de empresa innovadores.

O obxectivo é impulsar a creación de empresas innovadoras promovidas por estudantes, licenciados e licenciadas ou investigadores e investigadoras, así como a innovación empresarial e a xeración de emprego.

O Concurso rexerese polas seguintes BASES

Artigo 1. PARTICIPANTES

O concurso vai dirixido a:

1. Estudantes e titulados e tituladas de calquera das universidades galegas e dos centros asociados da UNED en Galicia, en calquera área de coñecemento (Humanidades, Ciencias da Saúde, Ciencias Xurídicas e Sociais, Ciencias Experimentais e Ensinanzas Técnicas) que, individualmente ou en equipos, teñan un proxecto empresarial innovador con potencialidade para converterse nunha empresa.
2. Doutores e doutoras, doutorandos e doutorandas, persoal de investigación, tesinandos e tesinandas, alumnos e alumnas de terceiro ciclo, etc., que desenvolvan actividades de investigación en calquera centro de investigación galego.

3. E empresas xa constituídas ao longo do ano 2013 e durante o período do ano 2014 comprendido entre o 1 de xaneiro e a data de publicación destas bases, ou que prevean constituirse durante o ano 2014, por promotores e promotoras co perfil descrito.
4. As empresas que xa foron premiadas no “XIII Concurso de Proxectos Empresariais Innovadores da USC” non se poderán presentar.

Artigo 2. DOCUMENTACIÓN A PRESENTAR NA SOLICITUDE

As persoas interesadas en participar neste concurso deberán presentar a seguinte documentación:

1. Currículum Vitae dos promotores e promotoras integrantes do proxecto.
2. Memoria descritiva do proxecto, incluíndo:
 - Título e descrición detallada do proxecto
 - Sector ao que se dirixie (características e tendencias)
 - Produtos ou servizos que se pretendan ofertar
 - Análise da competencia
 - Plan comercial e de marketing
 - Recursos Humanos
 - Plan de investimentos e financiamento
 - Conta de resultados

Todo isto contemplando un horizonte temporal de 3 anos

O equipo de técnicos e técnicas do programa Uniemprende da Universidade de Santiago de Compostela estarán a disposición das persoas promotoras para axudalas na elaboración dos proxectos, ademáis de ofrecerlle formación gratuita para realizar o plan de empresa. Os e as interesadas deberán dirixirse ás oficinas de Uniemprende situadas no Edificio Emprendia do Campus Vida en Santiago.

No caso de que a Comisión Avaliadora de Proxectos estime necesario solicitar máis información, poñeroa en coñecemento dos e das participantes para que no prazo de 15 días complete o expediente.

Os proxectos finalistas deberán entregar, cando se lle solicite:

1. Fotocopia do DNI (ou pasaporte) dos promotores e promotoras.
2. Documentación que acredite a vinculación coa Universidade (carné de Universidade, título, impreso de matrícula, etc.)

Artigo 3. LUGAR E FORMA DE PRESENTACIÓN DAS SOLICITUDES

Para participar no XIV Concurso de Proxectos Empresariais Innovadores da USC, hai que seguir os dous pasos que indicamos a continuación:

1º) Cumprimentar e enviar o **“formulario de preinscrición”** que se pode atopar na páxina web: www.uniemprende.es

2º) A documentación a presentar (descrita no artigo nº 2) deberá introducirse nun sobre, indicando no mesmo como referencia o **XIV Concurso de Proxectos Empresariais Innovadores da USC**, e deberá estar dirixido ao **Programa Uniemprende**.

Este sobre, debidamente cuberto e pechado, presentase (dentro do prazo sinalado no artigo 4) en: UNIEMPRENDE

Universidade de Santiago de Compostela

Edificio Emprendia – Campus Vida

15782, Santiago de Compostela

Os proxectos poden tamén ser enviados a esta dirección por correo certificado con instancia selada pola oficina de Correos.

Artigo 4. PRAZO DE PRESENTACIÓN

O prazo de presentación estará aberto dende o 14 de marzo ata o 30 de abril de 2014.

Artigo 5. PREMIOS

Os premios (suxeitos a retención) concederanse por proxecto, independentemente do número de participantes no mesmo, e a súa contía será a seguinte:

- PREMIO DE BASE TECNOLÓXICA: 2.000 € + ata 24.000 € de financiamento mediante préstamo participativo
- PREMIO EMPRESA XOVE: 2.000 €
- PREMIO MULLER EMPRENDEDORA¹: 2.000 €

→ O proxecto gañador da sección de base tecnolóxica terá acceso a un préstamo participativo de ata 24.000 € ofrecido por UNIRISCO GALICIA SRC, vinculado á aprobación do Comité de Investimentos.

→ Os proxectos gañadores terán acceso gratuito a tres accións formativas (concederanse 3 prazas gratuitas por cada proxecto gañador) organizadas polo Programa Uniemprende no prazo dun ano, unha vez que teñan constituída a súa empresa.

A organización do concurso resérvase o dereito de declarar deserto un ou varios premios, se os proxectos non reúnen as condicións necesarias para ser premiados, ou no seu caso, ampliar os premios concedendo os accésits que considere oportuno.

Cada proxecto poderá recibir como máximo un premio.

¹ A maior parte do capital social da empresa ten que ser propiedade dunha ou varias mulleres. É preciso presentar un documento oficial acreditativo desta circunstancia unha vez constituída a empresa.

Artigo 6. XURADO

Estará composto por representantes da USC e das entidades colaboradoras. A súa composición publicárase no taboleiro de anuncios do Edificio Emprendia.

Criterios de valoración:

Os criterios de valoración que se terán en conta son os seguintes:

- Viabilidade do proxecto
- Grao de innovación do produto, proceso ou servizo
- Volume de emprego proxectado
- Carácter multidisciplinar do equipo de promotores
- Ter en conta as políticas de igualdade

Artigo 7. PAGAMENTO

Unha vez fallado o premio, os gañadores terán un prazo de 6 meses para presentar a seguinte documentación, imprescindible para o libramento dos premios:

- Fotocopia da escritura de constitución da empresa inscrita no Rexistro Mercantil.
- Fotocopia da tarxeta do CIF da nova empresa e domicilio social
- Número de conta bancaria da empresa (20 díxitos)
- Facturas que xustifiquen os gastos de inicio de actividade e funcionamento da empresa.

A devandita documentación será presentada en Uniemprende (Edificio Emprendia. Campus Vida, s/n, Santiago de Compostela). De non presentarse a documentación completa en prazo entenderase que o gañador ou gañadora renuncia ao premio.

Existe a posibilidade de, previa autorización da Universidade de Santiago de Compostela, percibir o pago do premio contra a xustificación de gastos previos á constitución da empresa que sexan necesarios para profundar na viabilidade do proxecto.

Artigo 8. CONFIDENCIALIDADE

A USC comprométese a gardar confidencialidade sobre os datos e proxectos aportados polos participantes que non foran premiados. Toda vez que o xurado efectúe o seu fallo, poderanse difundir as características xerais dos proxectos gañadores así como o nome das e/ou dos seus promotores.

Establécese un prazo de 2 meses, a partires da data do fallo, para a retirada da documentación aportada. Transcorrido este período, a documentación destruírase.

Artigo 9. ACEPTACIÓN DAS BASES

A presentación ao concurso implica a **plena aceptación da totalidade das súas bases e do fallo do xurado.**

Non poderán presentarse a este concurso, nin directamente nin a través de familiares, o persoal dalgunha das entidades relacionadas co Programa UNIEMPRENDE da Universidade de Santiago de Compostela.



PARA MÁIS INFORMACIÓN pódese contactar con:

UNIEMPRENDE

Tel. 900 100 981 / 881 815 561

uniemprende@usc.es

www.uniemprende.es